

莊河縣志卷之四

人物

鄉宦

鄉賢

鄉紳

節烈

孝子

孝婦

流寓

方外

莊河縣志

卷四目錄

一

奉天作新印刷局印

莊河縣志卷之四

人物

語曰十步之內必有芳草十室之邑必有忠信莊境所屬名山大川環流壁峙以扶輿清淑之氣具河岳鍾毓之靈其中必有賢人君子淑女賢媛應運而出藉以維持名教砥礪風俗焉夫古人今人所效前事後事之師是編所載忠臣孝子貞女節婦胥本史乘之流傳旌坊之實蹟以著錄之俊人披覽斯編抗希古人勸勉來者以淑身心以端風化閭里之榮亦邦家之光也豈惟是稱讚前賢齒頰流芬而已哉

鄉宦

李秉衡字鑑堂祖居城東七十里石嘴子屯山國子生歷任直隸冀州棗強縣知縣宣化府蔚州知州冀州知州永平府知府山東平陽府知府直隸保定府饒縣知縣河間甯津縣知縣清豐縣知縣代理冀州武邑縣護理廣東高廉兵備道浙江按察使廣西按察使廣西布政使安徽巡撫山東巡撫歷充光緒乙酉廣西鄉試監臨官廣西武鄉試主考官乙酉科廣西拔貢會考官甲午科山東鄉試監臨官山東武鄉試主考官丁酉科山東鄉試監臨官山東武鄉試主考官丁酉科山東拔貢會考官陞任四川總督東三省大經略嗣以拳匪之亂八國聯軍逼近京畿公奉命督師接仗於天津之楊村卒於軍予諡忠愍一生廉直忠貞婦孺知名政績戰功中外欽佩爲前清光緒朝七大賢臣之一

劉珩字蔭楚城西北桂雲花人蘊山其別諱也嘉慶乙卯科舉人道光丙午科進士歷任雲

莊河縣志

卷四人物

三

奉天作新印刷局印

南平彝蒙自昆明等縣知縣戊子科雲南鄉試同考官陞任永平直隸廳同知大計舉卓異特旨召見主眷優異因命部臣查缺欲大用之而嫉之者援例以爭乃揀發甘肅署河州知州鞏昌府知府補鹽茶廳同知上因閱奏摺忽憶公名乃曰劉某斯時猶若是官乎特旨授湖北武昌府知府未履任卒珩歷官二十餘年所至有聲曾於知縣任內與朱鎮某同勦賊將平上官統軍至欲分其功珩善奕上官亦好奕遣人請珩對局遣者於戶外聞珩與朱議賊已將平上官何必多此一舉遣者徑回語上官上官怒出忿詞統軍去賊既平上官誣朱違節制將彈劾之誘珩署押珩不爲動上官不得逞其私因沒其功而白攘之總核平生不爲逢迎不通賄賂卒至蹭蹬仕途未獲殊遇時人惜之子釗申字小山道光壬子科舉人捐任國子監監丞膺京通倉監督差滿保補同知揀發吉林省署伊通州知州所至以公廉稱李楓林字曉江城西北黑峪人同治壬戌科舉人癸亥科進士殿試卽用知縣改就內閣中

書委署侍讀借揀熱河知州歷任建昌縣朝陽縣平泉州豐甯縣灤平縣楓林秉性質樸居官清廉在灤泉任內民間呼爲李青天兄雲卿字香雪（鄉賢另有傳）三兄雲嵐字萬堂同治庚午科優貢生考取宗室學漢教習朝考引見知縣爲人朴誠端正好誘掖後進爲患煤烟歿於京邸子樹南字子嘉方略館議叙通判指省直隸分發熱河留熱補用保獎四品銜總辦赤峰州稅務歷任建昌縣隆化縣知縣有政聲以積勞卒於官

王衷亮字鏡甫城北岔溝白家店人道光戊子科舉人已丑進士任浙江省金花府浦江縣知縣嗣任安徽省寧國府太平縣知縣前任浦江縣時兼理烏衣縣治閩屬公立德政碑題曰王一堂三字衷亮之政蹟可見一斑年七十八歲卒於家

李輝德字丙齋石嘴子屯人由廩膳生中式嘉慶丙子科舉人道光乙未科大挑一等以知縣用歷任江蘇省鎮洋金山漂陽婁縣江都儀徵各縣知縣道光庚子科江南鄉試同考官

莊河縣志

卷四人物

四

奉天作新印刷局印

題陞同知銜輝德在任政聲卓異遠近稱之同治三年致仕設教於縣北全龍山之松塔寺所造皆知名士居家有法教子有方生六子秉衡其三子也

蕭憲章字乃斌一字迺濱城西蕭家泊人清咸豐戊午科優貢生同治甲子科宗室學漢教習中式庚午科舉人甲戌科進士欽點廣西知縣光緒乙亥恩科廣西鄉試同考官歷任蒼梧武緣宣化等縣知縣在任以潔己奉公緝捕勤能曾蒙廣西巡撫李秉衡奏請嘉獎陞歸順直隸州知州在任候補知府弟麟章字書春咸豐乙卯科教習中式戊午科舉人大挑一等以知縣用以兄已出任居家奉親未仕子恩普字慈航光緒戊子科優貢生朝考壹等知縣籤分河南補授廬氏縣知縣嗣調署虞城縣三子恩普字寅甫補用廣西府經歷投効吉林充水曲流崗烟酒木稅總理尋調充三姓幫帶光緒戊申年本縣舉爲孝廉方正

周辛全字吉甫城東大孤山東關人由軍機供事考取國史館謄錄補用鹽課大使分發山

東同治十年以同知銜補授維口所鹽課大使光緒二年過知縣班署博平縣知縣到任十八日調委查勘維口所河工積勞而卒時年五十一歲辛全平生廣交遊倜儻不羈賑孤恤寡樂善好施獎勵後進不遺餘力牛石圈冷君子勤志士也屢蹶名場辛全解囊出千金爲其納資到省得補山東武城縣鹽大使其慷慨好義於茲可見

周長盛字茂堂周辛全之三胞弟由加捐候補山東縣丞同治三年到省補授黃山館巡政廳同治八年考績以廉明穩練得保縣丞留省補用九年因告迴避去東臨行地方敬送萬民衣傘父老板轅餞行者數十餘里長盛在任七年幾有夜不閉戶路不拾遺之風生平樂善不倦且好修廟宇在黃山修文昌宮在龍口修海神廟均有碑記回籍建修觀音寺魁星樓組織義學其孳孳爲善洵有裨於社會焉

冷慶椿字子勤城東牛石圈人貢生冷泮藻之子也以國學加捐入內閣供事光緒初年出

莊 河 縣 志

卷四物人

五

奉天作新印刷局印

任山東濟南省曹州府武安縣鹽大使由六品賞加五品在任清廉自持民有涉訟者凡判詞所出無不嘆服時有生員時鶴田者爲李明堂之犬所吠李之子童幼在旁不理因此致訟慶椿判云人秉兩間之秀犬爲無知之物未冠童子又是無知之人時鶴田既博一衿當知自重與物爭則不智與童子爭則不義且逞小忿以違父母則又不孝自失有三夫復何爭查李明堂當時固宜叱其犬逐其犬善言安慰禮下於爾所欠者不過此耳昔南宋呂祖謙少性褊急及讀躬自厚章平時忿懣遂渙然冰釋爾爲秀才讀聖賢書所學何事天地萬物本吾一體吾之氣順萬物之氣亦順而今而後務盡格致誠正工夫以求物我無間伊洛鵝湖之學吾與爾有厚望矣爾爲士宜回庠力學無曠課又判李明堂父子云父老憊子嬰孩本廳爲爾作主裁韓盧雖是無知物不可任他吠秀才見時生先禮拜負荊請罪爾也該從此兩家和好快哉快哉爾爲農宜回家力田勿違時又惡犬吠人小事家主服禮好事秀

才要强常事本廳判諭了事嗣因丁父艱回里奉養老母以終遂不復仕

吳雲芳字祥五縣北哈什碼嶺人由巡檢任江西樂安縣知縣爲人剛正不阿不肯逢迎長官卒以是未得大用

李玉琛字獻廷木耳山鄉虎洞村農人子也幼執船役隨船至海參崴因留於埠投入俄國學校精通俄語畢業充哈爾濱交涉署翻譯員民國建元隨宋小濂入黑龍江省充將軍署收發員兼翻譯民國六年外調珠爾干河邊卡總卡官辦理外交事宜九年陞遷奇乾縣知事爲人剛直有勇有交涉聲邊境咸推重之

陳廣德字仲輔城東北橫河子人北京法政專科畢業初充奉天高等審判廳書記官旋應法官考試被選入法官講習所畢業後被委爲吉林高等審判廳推事民國九年調遷直隸張北（即張家口）地方檢察廳檢察官

莊河縣志

卷四人物

六

奉天作新印刷局印

鄉賢

徐雲峰字震東城西北徐家大嶺人舉鄉飲者賓爲人重然諾好俠義里有不平事力爲排解遇人患難銳身赴救光緒中莊街糧棧斗斛出入不公人民苦累慨然爭之不得則代人民控訴上峰又不得隻身僕僕數千里外甘願犧牲性命謀除奸商之蠹弊雖未能大償其志而糧商恐懼交易稍平闔邑之民已陰受其福矣年七十四歲而卒卒之日往弔者多涕泣婦孺聞之亦皆歎息迄今述其事者猶津津稱道不衰子文林充城廂議事會議長

多隆阿一名廷鼎字文希號雯溪原係京滿州人正白旗舒穆錄氏康熙二十六年撥兵岫巖駐防旋移居城東上達堡道光己酉科拔貢生成豐三年同年何曉峰知山西平陽府聘隆阿爲幕友兼平陽書院山長是年八月初十日髮匪攻陷平陽何太守遇害隆阿亦殉焉事聞於朝咸豐五年奉旨賞隆阿雲騎尉三世恩騎尉世襲罔替長子裕深歲貢生長孫聯

魁承襲雲騎尉曾孫賡音布承襲恩騎尉公一生孝友廉正學問淵博著有陽宅拾遺地理一隅刊行毛詩多識慧珠閣詩鈔易原易蠡易圖說文鈔等書藏於家

李凱南字旭初諱炳文世居城西北火石嶺子光緒丙午科恩貢分發直隸儘先補用州判以親老不就好善樂施積粟備荒貧不責其償富者仍照常價德望孚於鄉里和睦敦於家庭卒年八十四歲其四弟圖南五弟薰南俱諸生克紹厥志行之者二十餘年鄉里僉以李氏三好稱之

李雲卿字香雪李楓林之二胞兄也咸豐壬子科舉人大挑候選教職性曠達慕魯仲連之爲人在鄉排難解紛不遺餘力同邑王某與吳姓爭地累訟不得直兄弟盡拘縲綆王某赴京叩閹將攔王某輿聲冤適雲卿鄉試於貢院門外遇之詰得其情並悉呈詞爲王某手創嚴厲無比遂囑其相候於此代爲昭雪雲卿意此案一揭牽動全省大吏且兩造福禍難卜

莊 河 縣 志

卷四物人

七

奉天作新印刷局印

開諭再三允以代償王某猶嘵嘵不休雲卿竟懷狀入闈王某嗒喪而歸雲卿是科竟領鄉薦卒如言了事雲卿生平所爲大都類此至於謙恭和藹以恕待人猶其末耳迄今鄉里咸稱道不置云

李照南字子明諱春溪亦黑峪溝人同治庚午科舉人恭謹持身澹泊明志領鄉薦後無意仕進居家課農教子以終四弟焯南與乃兄同科副貢不幸早逝

寇承謙字吉卿諱桂軒係蒙古鑲黃旗人翁克特氏居縣北寇半溝同治丁卯科舉人品學兼優好善樂施凡有關於社會風俗地方公益事無不樂爲之光緒十八年大挑一等試用山西太原縣知縣惜赴任數旬得病未竟其志卒於太原府公館

姚西彭字陰庭譜名澤令清光緒壬午歲貢生城東木耳山人品端學粹與人交寡言語和而不爭鄉人皆重之目爲長者一弟待之最友愛析居時不與較廬舍田產皆讓焉自以硯

耨橋遷於外嘗設帳於寬甸之長甸永甸等處著有東江詩草待梓遊歷十餘年始歸居家有法教子有方婦女不觀劇不赴廟會每入夜子孫侍側環而聽訓不命之退不敢退卒年六十有七生五子業商賈者一業農儒者各二次子潤滋字峻德在本縣辦學有年熱心教育初爲勸學所長嗣爲保衛辦事員五子澍滋字介夫善書法與乃兄峻德皆推重一時云馬夢元字光甲國子生城東大孤山西十二神莊人生平多善行務感人以德勸人以善鄉人有爭訟者嘗爲傾囊了事無吝色生五子長華峰字唐甫歲貢生次岐峰字周甫恩貢生三一峰字偉甫附生選舉省議員年七十二卒地方憶其德爲立碑於石人山頭道溝道旁觀者咸歎息不置云

連興字子茹翁克特氏蒙古鑲黃旗人居於城北之寇半溝曾任岫巖巴爾虎佐領兄雙興字秀齡諱佩聲即舉人寇承謙之父由武庠生原領催捐輸董事奉旨記名驍騎校恤孤憐貧值歲歉輒發粟施粥人以善人稱之

于學法字正楷諱錦江城東孤山西北大頂子于家屯人平生排難解紛正直無私公德昭著地方感其德於清光緒三十二年由公會稟請岫巖州咸令樹碑於大頂子山北卒年七十二

趙裕字芸苔城東孤山西趙家坨子人爲人平生不苟取仗義疎財待人心口如一博學多聞又好接引士類獎進寒峻卒年八十著有三餘詩草

冷泮藻貢生城東牛石圈人爲人好義救難濟急不惜貲財親鄰有事盡心力以和解之不辭勞怨感化界內人無爭訟者四十餘年

王金字品南居於城西北一面山之松樹嘴屯前清誥贈武德騎尉忠勇素著好善不倦當清嘉慶二十四年知蓋平縣擢尊奉旨赴沿海一帶徵收皇稅返經一面山頂家店斯時復

來社風潮湧起率衆數百人峯擁而來擄尊性命幾危時金年十八忠肝義膽爲之憤發率衆力爲保護風潮始退擄尊未遭毒手當蒙擄尊拊其背稱之爲年兄虎漢云咸豐八年連日淫雨歲大浸四鄉貧民枵腹啼饑無可聊生金家頗裕乃大發倉囤按人給食四鄉貧民得慶再生焉村民至今德之

王德懋字輔臣王金子也由武庠生中式咸豐八年武魁壬子恩科進士欽點營守武備德懋性孝勇舉進士後例封武德騎尉不自尊榮擬將本身誥封地贈其叔父銘公咨部蒙佳由是徑歸梓里躬耕以終德懋年當四十七是冬有匪首孫某率領股匪多名佔踞萬福屯趙宅依爲巢穴希圖四外搶掠德懋乘夜督隣右子弟數百人直達趙宅盡將賊匪首從勦滅靡有子遺因此合境老幼得以安堵岫署存卷德懋之孝勇詢足風矣

王德風字文化德懋之兄前清貢生恩榮修職郎好善樂施公之族父煥老而無子零丁孤

莊河縣志

卷四人物

九

奉天作新印刷局印

苦度日難支公親身奉養生養死葬俱公一身任之其時有林永增者山左人也營商寄居一面山旣而困於資阨於遇漸至無以贍家賴公爲之周濟衣食住未嘗少缺嗣林某染病身亡公又爲之擇地安葬該弟由蓋邑傭工聞兄訃音素手奔至欲偕嫂侄南歸苦無資斧公乃不惜資財一路車資船費均爲代籌該嫂侄臨行羣爲叩首謝恩至年逢饑饉備粟救荒猶有父風一鄉皆推公爲善人焉

宋天泰城西花園口宋家屯農人也平生忠厚好濟急救難前清宣統元年十月間有故知某以要事將自花鎮赴城不知路途欲僱車馬不獲出重資仍未果天泰聞知乃慨然棄農事以己之車自御送之及返在途適馬逸天泰羈勒不住被馬絆倒車軋殞命卒年三

十三

宋天穆字敬堂天泰兄業漁力農平生博愛好儒熱心公益花園口兩等學校將停辦天穆

爲之招生贊助得再創民國六年七月二十四日天陰雨狂風起海浪大作有漁舟自南來遭風將覆適天穆在岸上見之立即操小舟往救甫至該漁舟已覆三漁人攀坐覆舟底天穆乃一一移之已舟上行片刻風浪愈大卒以人多舟小而覆後三漁人復上舟底惟天穆落急流不得登遂遭溺慘大穆兄弟相繼救人殞命家中父老子幼生計艱蹙四方聞之者無不贊嘆其義俠爲之洒淚云

鄒立桂字月亭城東青堆子人山奉天鎮東營字前營營官陞吉林省左路幫帶嗣以光緒庚子歲奉吉省將軍令調兵截打俄兵與俄血戰數日身負重傷卒於軍

陳麗峰原名國均字蓉村城東榆樹房人中式道光乙酉科舉人大挑一等以甯河縣教諭用嗣以親老不遠宦遂隱居不仕稼圃終身

李塏字爽軒城西五間房人由拔貢中式嘉慶丁卯科舉人丁丑大挑任寶坻縣訓道筮仕

莊河縣志 卷四人物

十

奉天作新印刷局印

伊始卽以冷署閒曹無濟世事旋歸里設教於鄉所獲多知名士

許壯觀字可亭城東木耳山許村人幼聰穎讀書過目弗忘能文每夜自塾歸其父於燈下命題限一炷香援筆立就謂之燈香草中式咸豐某科舉人官內閣中書

許文運字鳳樓諱愚泉博學有詩才隱於木耳山之許村著有許東詩鈔刊行里人咸以老書箱稱之迄今猶有聞其名而知其人者

李克昌字子駿蒙古正藍旗人現居城北沙里圖能文善詩賦由優貢生考取漢教習與上達堡多文希木耳山許鳳樓時稱爲岫邑三才子因兩耳重聽隱居不仕以教授鄉里終其身

英桂字月樓原係滿州正白旗人現居於城東上達堡附貢生奉天自治養成會畢業本縣立學校捐助學費五百元蒙趙次帥賞給好義急公扁額嗣舉充第一屆省議會議員好善

樂施排難解紛鄰里雀角之爭往往賴以和息以故該處附近居民興訟者較他區減少云

劉大椿字培元諱向陽附貢生城西大劉家店人五世同堂品學俱優性懷恬淡不樂仕進居鄉公正親鄰有事爲之評判曲直人皆服之咸同年間胡匪蜂起到處搶掠大椿首倡團練督勇悍衛村里賊不敢犯由是一方得賴以保安者二十餘年卒年七十七著有向陽文集向陽詩草待梓

宋兆清字維一居於城東北乾溝子由國子生加捐議叙府經歷性剛正見義勇爲家積中產親鄰有以急難告貸者輒酌予之不署券不責償嘗曰人惟窘極始來求我若責償是以德始而以怨終也道咸以來海盜出沒靡常兆清居鄉購置槍械倡辦團練每聞警先遣家人外出躬督村勇嚴爲防禦由是賊每過境不敢擾四村得賴以安堵實公之力居多

王家齊字華國性孝友嗜學居於城西北長嶺子興源屯其父常有疾家齊躬奉湯藥未嘗一日離母氏姜嫺姆訓教育極嚴生事之尤謹兄弟七人最友愛清光緒元年與四弟家修同遊邑庠七弟家麟亦邑庠生皆家齊一人陶成家齊一子名生字大川例授貢生品格清高心性剛直感化鄉人不起爭訟事其繼母亦始終不懈人謂鳳毛繼美云家齊年八旬膝前三孫均能世其家風長孫兆槐事其嫡母亦極孝（孝子類有傳）一門三世稱孝友焉

姜烈揚字顯廷祖居城北轉湘湖弱冠棄文習武中式清同治六年武舉次年成進士欽點營守備以耳重聽不就性坦直與人相見以誠晚習堪輿之學自擇居於家北之湯家溝優遊林泉以終烈揚行二其長兄鷹揚三弟烈承亦皆中式武舉

吳振海字郁周身體魁偉居於城東之鮑家碼頭中式咸豐五年武舉爲人忠厚老成自領鄉薦後自甘淡泊居家課耕間織足不履城市者四十餘年

恆齡諱春園滿洲正白旗人現居城東漢河河北之孫家堡子中式咸豐辛亥科舉人陞光祿寺署丞旋充義學院教授爲人孝友忠信廉潔公正其弟恆福道光庚戌歲貢生

葆臨諱鏡亭字月巖滿洲正白旗人居於漢河河北之孫家堡子由工部筆政中式咸豐壬子科舉人陞任戶部堂主事繼陞京東陵員外郎候補直隸州爲人以儉樸忠誠稱

劉鼎元字黼廷世居莊河街考取翼學漢教習候委訓導在瀋陽教授生徒垂三十年從游者如舉人文哲璋處士張景榮李富春等初皆以寒士來學未嘗受其羔雁進士殷瑞生舉人慶柱延彬拔貢王汝濟皆其高足弟子生平重節義損資呈請旌表節婦李張氏尤篤於友誼凡梓里異鄉至瀋者有困難事靡不周恤士林多之著有倫常輯要一書子滋桂字馨山光緒甲午科優貢生滋楷字木皆光緒乙酉科舉人均入瀋陽承德縣籍滋桂著有聊齋志異逸編評註恢默書屋詩鈔刊行易經彙解古文辭賦鈔等待梓

莊河縣志

卷四人物

十一

奉天作新印刷局印

許寶運字善堂貢生城東木耳山許村人性樸誠寬厚事繼母如生母里有爭訟者每竭誠爲之理處排難解紛有魯仲連之風歿後里人追思不忘子瀚觀字浩亭光緒乙酉科拔貢生文觀奉天法政學校畢業

鄉紳

劉鼎字行簡原名桂森大孤山人附生奉天法政別科畢業民國三年考取縣知事分發四

川省

于恩祺字福之拔貢生民國三年考取縣知事分發直隸省

王作善字百祥縣西南岔溝木魚房人奉天法政別科畢業民國三年考取縣知事旋入北京行政講習所一年畢業分發吉林省

劉滋楷字木皆號學范中式光緒乙酉科順天舉人

劉熙人字春生歲貢生宗室學教習

高鴻鈞字介亭諱石峰拔貢生城東高家堡人

張鍾乾字南樓道光乙酉科舉人恩授同知城西沙金溝人

李坤字子厚優貢生城西五間房人

李涵字函之歲貢生城西五間房人

許大觀字荔村歲貢生城東木耳山人

李鍾實字若虛增貢生城西五間房人

趙吉卿字子儀恩貢生城東趙家坨人

宋廷樞字運中道光壬辰科舉人城東干溝子人

楊仕林字維國恩貢生城北楊家大屯人

莊河縣志

卷四人物

十三

奉天作新印刷局印

王際清嘉慶壬申歲貢生

宋掄元字孝卿恩貢生城東乾溝子人

劉延常字子武歲貢生

王曰俞字禹廷拔貢生城西王家爐人

鄭贊元字子廉歲貢生城西唐兒府人

孫有慶字虛谷歲貢生

孫煥章字斗南拔貢生城西豬得泥溝人

趙蓮峰字子敬優貢生城東趙家坨子人

林榮維字鶴亭歲貢生

林榮綬字紫亭歲貢生

吳雲飛字鳳亭武舉人城東鮑家碼頭人

吳日新武舉人城西北哈什碼頭人

劉中鰲字海峰武進士

節烈

石城島銀窩屯烈婦苗張氏張學賢之女年二十一于歸爲苗廣田之妻民國七年十月廣田病故氏竊自仰毒經救獲蘇旋於本月二十四日絕粒以殉九年請旌

城東許村周許氏許寶運之女二十一歲適鳳凰城周錦堂爲妻二十六歲夫以染痘症故氏矢志守節民國十年請旌

張宋氏係宋國芝之女張旭春之妻年二十一于歸二十三歲夫以染疫故守節至今五十四年民國八年過繼胞侄繼禹繼憲爲嗣現年七十六歲民國十年請旌

莊河縣志

卷四人物

十四

奉天作新印刷局印

叢干氏年十九于歸二十一舉一子七閱月夫病故矢志守節民國九年請旌奉大總統題褒志潔行芳匾額

石城島邵張氏係張恩教之女邵偉清之妻二十六歲夫故守節清光緒九年旌表立有碑記

石城島甯王氏係王盛之女甯勳之妻二十三歲守節清光緒九年旌表

石城島甯張氏係張光成之女甯繼先之妻二十五歲守節清光緒九年旌表

大孤山東北達子營劉希令之妻李氏舉人李輝德次女忠愍李秉衡之二胞姊也適劉門年二十三歲所天云亡矢志守節善事舅姑生一女無子族人爲之繼子劉延年承祀宗祧守節六十餘年地方爲請旌表建坊於達子營道旁卒年八十四

處士張景祥亦達子營人其妻王鈞女也年十九適張門至二十五歲夫亡守節六十年其

瑁登仕郎王愷於咸豐十一年爲請旌表樹碑於應濟寺之左側卒年八十六

王有信亦達子營界人其妻即張景祥之孫女而王愷之第五媳也十九於歸王門翁姑稱其孝妯娌無間言二十八歲夫病卒祇生一子氏乃撫孤養親守節五十年卒年七十八清宣統元年經本縣勸學所呈請旌表

節婦邵氏農家女係城北楊家甸子賈人盛世春之妻年二十三夫以療疾舁之歸三日而夫卒氏哭之慟曰天乎縱不令妾白頭相守亦何靳此須叟無死使妾得少侍巾櫛奈何以相聚三日竟至永訣百年乎淚盡赤氣噓者再葬畢翁屢欲嫁之氏不可翁忿與以斗室氏亦安之紙衾冰床孤苦無依霜砧露杵爲縫紉者三十年民國六年盛氏擇族人子殿奎立以爲嗣因迎養於家不復居己之斗室焉姻衆爲之請旌大總統手賜節勵松筠匾額銀質徽章一時年六十有二云

城西北桂雲花業儒李其久之妻文生欒惠中之長女舉人李照南之孫媳也幼嫻閨訓貞靜自持年十八歸事翁姑以孝聞處妯娌以和稱年二十而夫亡即欲相從於地下家人環視數旬卒蹈隙服毒以殉本年族人代爲請旌共捐資立碣以維綱常而垂不朽焉

城西北王家溝業儒吳卓令之妻貢生張世傑之女年十八歸二十一而夫亡氏始欲殉節家人以宗祧無承姑且老苦勸氏乃轉念老母在堂死後無人奉養遺腹倘得生男尙可綿延宗祧死節事小事慈事大始泣從之未幾果生子名曰成氏乃養親教子卒成名士光緒十九年得旨旌表卒年六十三

吳張氏縣東鮑家碼頭吳佩元之妻年十九歸甫周月而夫亡氏乃矢志守貞從一靡他時姑老得痿痺疾飲食便溺在在須人氏侍湯藥進甘旨扶持抑搔舉家共賴之氏無出年屆七旬擇愛孫庠生吳雲鵬承繼宗祧宣統三年族人爲請旌表奉旨樹坊時身尙康

健云

城北衣家店衣文斗之妻儒生劉中清之女有淑德年二十尙未出閣忽聞其夫病卒女涕泣曰有夫未見面遽而永訣妾何命薄如是乃始而涕泣繼若安之父母欲改嫁他人女決意不從未幾何父母不及知自往夫家奉二世孀姑三十年姑守節祖姑守節與氏而三節孝萃於一門聞者莫不嘆爲罕見焉

城北後炮台子王春圃之女西路三區于文溪三媳也幼端謹寡言笑年十七歸于門雅得翁姑歡祖姑老而失明事之尤謹夫振波肄中學業聰穎力學櫻吐血疾民國四年六月十八日夫病篤偃臥中堂日數視氏氏知不起曰勿爾君其少待妾不令君孤處泉下也請先之因飲鴆家人號救氏毅然曰堂上雙親端賴嫂妯膝前二子無母可活否則家有少寡徒令翁姑時觸喪子疼也踰時卒夫以翌日卒越三日雙櫬並舉號泣助喪者數百人莫不掩

莊 河 縣 志

卷四人物

十六

奉天作新印刷局印

泣當地士紳嘉其烈請旌之蒙大總統手賜匪石心堅匾額時年二十六

于祝氏城東于家粉房于鵬飛之三媳也其夫於清光緒三十二年八月病亡氏因十七歲于歸十九歲夫病亡無子女竊念婦人從一而終生無所依不如從夫於地下於是上午己時不令人知私自仰藥而卒夫婦擇日同時殯葬道旁觀者莫不爲之感泣云

城西玉皇廟界曲宏之女年十六歲父卒母與女度日女謹守閨訓人無間言有近鄰鄒裁匠者每到其家談笑女置之不理一日伺其母外出持刀威嚇女峻拒之鄒某乃割女一耳女號泣罵不絕口鄒怒殺之村中將鄒某拿獲送官不日獄斃高蘭軒以曲姓度日艱而

有英烈之幼女誠巾幗中不可多得也於清道光十二年爲之請旌以維風化今玉皇廟西北有曲烈女之碑尙存

城西一面山鄉老頭溝有宋崔氏者年二十三其夫病卒氏自定期以死自誓期內辦理善

後事宜以堂兄永秀之子爲嗣猶奉侍晨昏不懈翁垂淚止之氏曰婦事翁之日短矣一息尚存曷敢自惜及至期囑其兄嫂善事高堂並叮嚀一切家事至午時聲色遽變以白絹縊頸絹未及頸而氣已絕矣觀者驚嘆盡爲掩泣莫敢仰視道光十年三月地方紳士爲之請旌捐資樹碑於道左

馬趙氏馬家屯鑲白旗人馬富貴之妻年二十八其夫病故該氏苦志守節敬事翁姑以孝聞晚年繼子馬元祥爲嗣清道光七年九月二十九日建坊旌表並恩賞銀三十兩

馬道口子欒家堡欒廷桂之妻年十九歲其夫病卒時值家道寒微度日艱難氏痛極卽飲泣絕粒思從夫於地下轉念黃口孺子未離襁褓白髮翁姑正待孝養於是苦志守節仰事俯畜於八十二歲當清道光七年四月其子緯得旨旌表

城北二道河子廂黃旗人霍嵩阿之妻張氏年二十六歲所天云亡家綦貧僅免凍餒憂且翁姑衰老繼子又幼有勸其嫁者氏毅然拒之甘貧守節奉姑教子四十年如一日後繼子趙文祥成立請於地方士紳共爲捐資得奉旨旌表焉

城西宋家山嘴鄧錫裕之妻籍氏總玉之女也氏幼年喪母家貧閭內無人凡家庭內事皆氏一身操作善事父兄十數載孤苦已極二十五歲于歸越載夫病瘵氏躬侍湯藥三年不懈及氏年二十九歲夫遂病亡氏親視含殮襄理葬事已畢遂仰藥以殉聞者莫不哀悼岫邑王令志修爲贈輓詩請旌於朝

城東大嶺底王家屯王桂齡之妻辛氏係辛祿之女于歸五載其夫病亡遺有一子猶在襁褓該氏節儉理家義方訓子爲子早婚以承宗祧娶未幾而子歿姑媳守孀含冰度日繼孫于義德等於光緒三十一年爲其承繼祖母與母氏請旌建坊

城東家廟屯唐發之妻趙有翼之女年十八于歸至二十五歲夫歿彼時祖母耄耋翁姑年

衰惟遺幼子尙在襁褓該氏養親教子守節六十餘年於光緒十三年建坊旌表

城東倪家屯王元峻之妻係任可銘之女自十九歲于歸年未三十而夫亡子女無出貧無立雖不得已歸養母家紡織自給苦守柏松境愈困而志愈堅十餘年漸有積蓄族人爲之立繼承宗光緒七年四月建坊旌表

城東任家屯任豐年之妻劉氏係劉毓秀之女自十九歲于歸越七載竟傷鵠寡遺有二子次子夭亡該氏養親教子守節六十餘年而卒族人爲之呈請旌表於光緒二十六年建碑於道旁

史家屯節婦任孫氏任亨年之妻孫丕基之女也該氏年十九于歸逾六月而夫卒子女無出立志守節至六十二歲病亡其子於光緒三十四年奉旨建坊旌表

城北夾皮溝辛林氏年十七歲于歸而翁已歿生三子殤其二至二十九歲夫病卒氏遵禮

莊 河 縣 志

卷四物人

十八

奉天作新印刷局印

殯殮畢竭力奉姑教子家計維艱力崇節儉蓮心槩皮辛苦備嘗及姑歿子女亦完婚氏持家漸至小康恒以餘資周隣濟急氏年八十壽終助喪者咸嘆其懿行爲之稱頌不置其子每欲請旌而以農夫不知詳報適值知事馬公周咨輿情鄉會遂舉其梗概公命錄呈備入邑乘以成其子請旌之志云

城東大鳳窩堡馮國忠之妻孫氏于歸馮家二十六歲其夫即歿子女無出氏乃奉姑守節於宣統二年族人爲之呈請立坊旌表

城西三區唐兒府于文溪之母金氏二十二歲守節至光緒十八年旌表

城北旋城鑲黃旗巴爾虎人白鳳池之母石氏二十八歲守節至宣統元年旌表

城東青堆子西王家村王欽之妻紀氏守節於道光四年請旌樹坊家西道旁今呼其村爲

王家牌坊

縣東十二神庄劉景書之妻孫氏二十七歲守節光緒三十三年旌表

高嶺山前孔家屯孔姜氏清嘉慶二十五年守節同治七年旌表

劉李氏達子營人年二十二歲守節清光緒十三年旌表

徐鞠氏鳳窩堡鄉宋家屯人年二十三歲守節光緒三十三年旌表

張王氏達子營人二十四歲守節咸豐年間請旌

任劉氏鳳窩堡鄉孫家爐人二十五歲守節光緒二十七年旌表

趙姜氏蜩瓦义坨子人二十五歲守節清光緒二十四年旌表

趙王氏趙家坨子人年二十一歲守節光緒八年請旌

張李氏鳳窩堡鄉南皮舖屯人年二十七歲守節光緒二十五年旌表

城西五間房李培之妻年二十一歲守節請旌表卒年七十歲

莊 河 縣 志

卷四人物

十九

奉天作新印刷局印

李鍾信之妻唐氏亦五間房人二十二歲守節請旌表卒年七十二歲

城西施明德之妻柳氏二十七歲守節光緒二十一年旌表

城東曲家屯崔法舜之女張廷儀之妻二十九歲守節道光十六年旌表

城東小孤山趙倉福之妻孫雲保之女二十七歲守節道光三年旌表

城西尹家瓦房尹國球之妻宋氏自二十二歲守節六十年八十二歲而卒得旨旌表

城西宋建荃之妻王氏自二十一歲守節七十餘年九十五歲而卒得旨旌表

城西于紹德之妻梁氏自二十四歲守節三十年五十六歲而卒得旨旌表

城西宋國維之妻張氏自二十六歲守節三十年五十六歲而卒得旨旌表

城西蕭雲青之妻于氏自二十六歲守節三十八年六十四歲而卒得旨旌表

城東木耳山澆村許交運之妻梁氏二十歲守節同治五年六月初六日旌表

許柯氏係木耳山澇村人許應運之妻二十五歲守節同治四年十月十二日旌表
又木耳山澇村許景星之妻楊氏二十二歲守節清道光二年十二月十六日旌表
木耳山孫家屯孫天順之母李氏十九歲守節光緒三十年旌表
木耳山北譚家屯許紹運之妻劉氏二十五歲守節同治十二年旌表
城西劉士森之母劉張氏係張夢周之女于歸劉門逾載夫亡守節三十餘年地方紳士紳於
民國七年爲之呈請旌表

城西郝士謙之母郝張氏夫亡守節民國七年地方紳士爲之請旌表揚

城西潘書田之母潘張氏夫亡守節民國七年地方紳士爲之呈請表揚

城東牛耳房姜殿英之妻劉氏自二十一歲于歸二十九歲守節民國七年地方紳士爲之
呈請表揚

莊河縣志 卷四人物

大陽溝姜僑之母姜于氏十九歲于歸二十七歲守節民國七年地方紳士爲之呈請表揚

時家堡子時業忠之母張氏二十一歲于歸二十九歲守節民國七年呈請表揚

城北寇半溝寇貴和之母汪氏十九歲于歸二十九歲守節民國七年呈請表揚

城東北銅溝屯宋興仁之母吳氏二十歲于歸二十五歲守節民國七年呈請表揚

城東太平溝王振聲之祖母張氏二十一歲于歸二十二歲守節民國七年呈請旌表

城東榆樹底屯于家仁之母杜氏十九歲于歸二十一歲守節民國七年請呈表揚

城北二道溝李元勳之妻張氏年三十歲夫亡守節四十餘年含冰茹檠撫育子女光緒五

年呈請表揚

城本街董國珍之妻孫氏年二十五歲夫亡守節四十餘年備歷艱苦矢志不渝光緒三十

二年呈請旌表

孝子

趙廉卿城東趙家坨子人清光緒年間增生性至孝母病親侍湯藥衣不解帶事繼母亦如生母父卒哀毀盡禮旨甘不入口未見齒者二年餘鄉里稱之卒年六十九

陳耀都城北明堂石人清時其父被罪欲代父下獄不許遂侍父於囹圄八年後父卒繼母在堂溫清定省備極孝思名諫一方

王兆槐儒生也城西北長嶺子興元屯人品行端慤兼通堪輿之學本庶出父歿事嫡母極孝兆槐年近六旬每當嚴冬極寒爲嫡母沆濯穢衣毫無難色至其龍鍾奉杖備物承歡尤爲親鄰所欽服以視老萊子綵服娛親庶幾近之

孫殿鑿字清泉青堆子北八里莊人處士孫廷溪之次子也幼孝謹長治經學嘗課諸生年四十入師範傳習所畢業任本城兩等小學國文教授旋充青鎮兩等小學校校長時其父

莊河縣志

卷四人物

二十一

奉天作新印刷局印

年逾花甲以足疾廢於家殿鑿因棄職回家侍奉自製四輪車一乘父其上躬親推行於村外以資遊樂而快父意如是者無虛日日必三四次或鄰近有劇曲佳景亦如之每出父少不爽輒加鞭撻殿鑿悉安之不怨而其父藉此以娛晚景者殆數年父歿後每觸輪車時深悲痛鄉里咸無間言

孝婦

城西北一面山姜鍾氏姜永魁之妻善事翁姑翁年七十罹癱瘓症至七十六歲病日加劇手足不仁起臥須人舉扶飲食須人親哺氏晝則哺餐夜間扶持起臥動至二三十次延至七十八歲病臥不起壽終正寢氏侍翁疾衣不解帶者三年而未嘗有倦色鄉里稱之無間言翁歿後氏哀慟終身如一日嗚呼可謂孝矣

流腐

張從雲字龍文原籍直隸南皮縣人僑居大孤山街東頭清光緒十三年投効奉天靖邊營正兵旋拔馬隊什長十七年因勦直隸朝陽教匪出力得保以經制外委儘先補用二十年七月充新左營中哨哨長嗣改補奉軍副前營後哨哨官二十五年充甯夏將軍署仁字軍巡捕兼全軍稽查二十六年充義勇軍左營前哨哨官二十七年充督轅營務處差遣委員嗣充左翼巡捕隊總巡七月調補寬甸縣巡捕隊總巡二十八年報捐遊擊銜三十二年歸併隊伍改充奉軍左路左營步隊管帶三十四年四月改編奉天右路巡防步隊第三營仍充管帶官民國三年二月二十二日因防捕匪黨出力蒙袁大總統令授陸軍步兵中校民國十年陞遷陸軍團長公平素膽識過人勇敢有爲自正兵陞自管帶每遇接仗必身先士卒與士卒同甘苦在孤駐防地方賴以謐安孤鎮紳商學各界爲建立德政碑以誌不忘云

方外

莊 河 縣 志

卷四人物

二十一

奉天作新印刷局印

城北般若洞洪真道人浙江人中式武舉姓氏里居不傳清乾嘉間航海遊歷遇狂風漂泊於某島嶼蟄伏三年後遇巨舟經其地載之渡北岸卓錫於金復間嗣雲遊至般若洞永作鶴棲之地無何跌坐絕壁上之洞內道徒懸索以供其飲食每日遞減漸至絕粒轉湘湖武進士姜烈揚由京還鄉距家數里遇洪真謂曰吾將遠行遺一靴於石洞煩語吾徒也須臾不見及至家訪之已羽化矣迄今朽索猶有遺迹云